

Nijaat Paane Kā Āsaan Tareeqā

Injeel : Yuhannā 3:1-21

Janaab Nikodimus naam ke ek Yahudī ādmī the jo Fareesī kahalaate the. *[Fareesī log Musā^(a.s) ke qaanun par saḡḡtī se amal karte the.]* Janaab Nikodimus Yahudiyoñ ke ek ḡḡaas rahanumā the. ⁽¹⁾ Ek raat janaab Nikodimus Īsā^(a.s) ke paas āe aur kahā, “Ustaad, ham jaante haiñ ki āp Allaah taa’alā ke bheje hue ek ustaad haiñ. Āp wo karishmā karte haiñ jo koī bhī naheen kar saktā jab tak ki Allaah rabbul azeem us ādmī ke saath nā ho.” ⁽²⁾

Īsā^(a.s) ne unheñ jawaab diyā, “Yaqeenan, maiñ tumko āj ek haqeeqat bataatā huñ. Jab tak tum phir se upar se paidā ho kar naheen āoge, tab tak Allaah taa’alā kī saltanat me naheen ā paaoge.” ⁽³⁾ Janaab Nikodimus ne kahā, “Jo ādmī buḡḡhā ho chukā hai, wo kaise dubaarā paidā ho saktā hai? Wo apnī maañ ke jism me waapas naheen jā saktā, to phir wo dubaarā kaise paidā ho saktā hai?” ⁽⁴⁾ Is baat par Īsā^(a.s) ne jawaab diyā, “Yaqeenan, maiñ tumko ek sacchaaī bataatā huñ, jab tak tum paanī aur ruh se paidā naheen kare jaaoge, tab tak tum Allaah taa’alā kī saltanat me naheen jā paaoge. ^[a]⁽⁵⁾ Jo bhī ek jism me paidā huā hai wo jism hī hai aur jo ruh se paidā huā hai wo ruh hai. ⁽⁶⁾ Agar maiñ tumse ye kahūñ to hairaan nā honā, ‘Tumko Allaah taa’alā kī taraf se dubaarā paidā honā hai.’ ⁽⁷⁾ Hawā jahaan chaahtī hai wahaan chalī jaatī hai. Tum hawā ke chalne kī āwaaz sunte ho magar tumko ye naheen patā ki wo kahaan se ātī hai aur kahaan jaatī hai. Ye qudrat us insaan ke paas bhī hai jo ruh se paidā huā hai.” ⁽⁸⁾

Janaab Nikodimus ne puchā, “Ye sab kaise ho saktā hai?” ⁽⁹⁾

To Īsā^(a.s) ne unse kahā, “Tum ek ḡḡaas ustaad ho tum ye sab baateñ kyuñ naheen samajhte ho?” ⁽¹⁰⁾ Maiñ tumko ek haqeeqat bataatā huñ. Ham sirf us baare me baat karte haiñ jiske baare me hameñ purī tarah se patā hai. Ham us baare me baat karte haiñ jo hamne ḡḡud dekhī hai, lekin phir bhī tum merī gawaahī par yaqeen naheen kar rahe ho. ⁽¹¹⁾ Jab maine tumko zameen par hone waalī sacchaaī ke baare me bataayā to tumne us par yaqeen naheen kiyā to phir agar maiñ tumko jannat ke baare me bataauñgā to tum usko kaise maanoge! ⁽¹²⁾ Koī bhī jannat tak naheen pahuñchā, sirf Ādmī Ke Beṡe, jo wahaan se neeche āyā hai. ⁽¹³⁾

“Tumko yaad hai ki kis tarah Musā^(a.s) ne registaan me saam̃p ko upar uṡḡaayā thā. Usī tarah se, Ādmī Ke Beṡe ko bhī upar uṡḡaanā hogā. ⁽¹⁴⁾ Taaki jo bhī us par yaqeen kare usko kabhī nā ḡḡatm hone waalī zindagī mile. ⁽¹⁵⁾ Allaah rabbul kareem is duniyā se itnā pyaar kartā hai ki usne apnā chunā huā numaaindā bhejā, taaki jo bhī us par īmaan laae wo tabaah hone se bach jaae aur usko kabhī nā ḡḡatm hone waalī zindagī mile. ⁽¹⁶⁾

“Allaah taa’alā ne unko is duniyā me faislā karne ke liye naheen bhejā hai. Balki islie bhejā hai ki duniyā ke log unke zariye se sukun aur nijaat pā sakeñ. ⁽¹⁷⁾ Har ek ko sazā se bachā liyā jaaegā jo us par īmaan laaegā. Un logoñ ko sazā milegī jo us par īmaan naheen laae haiñ kyuñki un logoñ ne Allaah taa’alā ke chune hue numaainde par yaqeen naheen kiyā. ⁽¹⁸⁾ Isī wajah se unko pahale se hī ye sazā sunā dī hai: Allaah taa’alā kā nur duniyā me ā chukā hai, lekin log roshnī se zyaadā añdhere ko pasañd karte haiñ kyuñki wo gunaah waale kaam karte haiñ. ⁽¹⁹⁾ Jo bhī gunaah kartā hai wo roshnī se dur bhaagtā hai. Wo roshnī me islie naheen ānā chaahte kyuñki unko ḡar rahtā hai ki kaheen unke gunaah saamne nā ā jaaeñ. ⁽²⁰⁾ Lekin jo bhī saḡī raaste par chaltā hai wo roshnī me ā jaatā hai aur dekh letā hai ki unhone jo bhī kaam kie the wo Allaah taa’alā ke liye the.” ⁽²¹⁾

Saam̃p Ke Azaab Kā Waaqyā

Taurait : Giñtī 21:4-9

[Kaafī sadiyoñ pahale, Musā^(a.s) kī nabuat ke zamaane me] saare Ibraanī Hor ke pahaaḡ ke paas kī jagah ko choḡ kar Akaabā kī khaaḡī me chale gae jo Bahar-e-Kulzum ke paas me thī. Unhone aisā islie kiyā taaki wo mulk Adom ke baahar se ghum kar jaaeñ. Lekin raaste me unke saath ke logoñ ne apnā sabr kho diyā aur ⁽⁴⁾ Musā^(a.s) aur Allaah taa’alā ke ḡḡilaaf ultī-seedhī baateñ karne lage. Wo log kahne lage, “Tum hameñ Misr se baahar nikaal kar kyuñ laae ho? Ham registaan me mar jaaeñge! Hamaare paas khaane ke liye roṡī bhī naheen hai! Peene ke liye paanī bhī naheen hai! Aur ham se ye bekaar ^[b] khaanā khaayā naheen jaatā.” ⁽⁵⁾

Tab Allaah taa’alā ne un par saam̃poñ kā azaab bhejā. Un saam̃poñ ne logoñ ko kaatñā shuru kiyā jis se bahut se Ibraanī mar gae. ⁽⁶⁾ Log Musā^(a.s) ke paas āe aur kahā, “Hamne āpke aur Allaah taa’alā ke baare me ultī-seedhī baateñ kar ke gunaah kiyā hai. Āp Allaah taa’alā se duā karie ki ye saam̃p chale jaaeñ.” To Musā^(a.s) ne logoñ ke liye duā karī. ⁽⁷⁾

Allaah taa'alā ne Musā^(a.s) se kahā, “Ek peetal kā saarṁp banaao aur usko ek ḡaṇḡe par lagaao. Jisko bhī saarṁp ne kaaṭā hogā agar wo isko dekhegā to wo ziṇḡdā bach jaaegā.”⁽⁸⁾ To Musā^(a.s) ne peetal kā ek saarṁp banaayā aur usko ek khambe par lagaayā. Tab jisko bhī saarṁp kaaṭ letā thā wo usko dekh kar ziṇḡdā bach jaatā thā.⁽⁹⁾

[a] Inḡeel : Mattā 3:11 Me, Yaahyā^(a.s) ne kahā, “[Main] paanī me ḡusl de kar paak kartā huṇ, lekin mere baad [jo] āegā [wo] logoṇ ko Allaah taa'alā kī ruh aur āḡ se paak karegā.”

[b] Allaah taa'alā ne unko khaane ke liye mann naamak ek āsmaanī roṭī aur salwā diyā jo āsmaan se unke liye roz ātā thā. (Quraan Majeed : Al-Baqarah 2:57, Taurait : Hijrat 16)